

Kommunimut pilersaarummut tapiliussaq 1C12-5 Aqutsisoqarfik, Nuuk inaarutaasumik akuersissutigineqarnera

Aalajangiiffigisassaq

J.nr.: 16.03.01.01-P16-21-18

Sanarfinermut Avatangiisinullu Ingerlatsivik - Pisortaq Hans Henrik Winther Johannsen / HHWJ

Suliap eqikkarnera:

Kommunimut pilersaarummut tapiliussaq 1C12-5 Aqutsisoqarfik tamanut tusarniaassutigineqareerpoq. Tusarniaassutiginerata kingorna akissutit marluk tiguneqarput taakkulu oqaaseqatigiinnik minnerusunik allannguuteqartitsipput. Tamanna ilanngussaq 1-imi takuneqarsinnaavoq.

Nuuk Centerip quleriinnik marlunnik allilernerqarsinnaanissaa, kiisalu inissianut inuussutissarsiornermullu tunngasunut arfineq-marlunnik quleriilimmik illumik ilaneqarnissaa Kommunimut pilersaarummut tapiliussami siunertarineqarpoq.

Sanaartugaq immikkoortup isikkuanut pitsaassusaanut, soorlu illoqarfiup niuertarfiinnut allaffeqarfiinullu tulluarsagaassaaq. Najugaqarfiinullu eqqaaniittunut ataqatigiittumik sananeqassalluni, pingaartumillu Nuup illoqarfiata ineriartorneranut ilanngussissalluni.

Suliaq Sanarfinermut Avatangiisinullu Ataatsimiititap septembari 09-ni 2020 ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarluni inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 23.septembari 2020-mi ataatsimiinnerani oqaluuserineqarpoq, inassuteqaatigineqartoq ataatsimiititamat akuersissutigineqarpoq suliarluni Kommunalbestyrelsimut aalajangiiffigisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- kommunimut pilersaarummut tapiliussaq 1C12-5 Aqutsisoqarfik, Nuuk inaarutaasumik akuersissutigineqassasoq

Suliassamik saqqummiussineq

Kommunalbestyrelse pilersaaruserineq pillugu inatsisissatut allannguut 2016-imeersoq naapertorlugu 2019-imi marsip ulluisa 12-ianni pilersaaruserineq Nuummi Centerip allilernerqarnissaanut akuersissuteqarpoq. Matumani kommunimut pilersaarummut tapiliussaq pilersaarutitut qinnuteqaat tunngavigalugu suliaavoq, suliallu piviusunngortinnissaanut inatsisitigut tunngaviliilluni.

Kommunimut pilersaarummut tapiliussaq tunngavigalugu Nuuk Centerip pioreersup allilernerqarnissaa periarfissaalerpoq, assigiinngitsunullu atorneqassalluni, soorlu pisiniarfiit, inissiat aamma inuussutissarsituarfiit. Kommunimut pilersaarummut tapiliussaq atorlugu centeri quleriinnik marlunnik allilernerqarnissaanut periarfissaqarpoq, quleriinnilu arfineq-marlunni inissiat.

Kommunimut pilersaarummut tapiliussaq atorlugu Nuuk Centerip Katuallu tunuaniittut angallaviit pioreersut allanngorujussuassapput, siunnersuut malillugu H.J Rinksvej Kuussuullu akornisigut ingerlasoqarsinnaajunnaasagami. Nuuk Centerip allilernerqarnissaanut siunnersuummi angallannerit tamarmik siunissami H.J Rinksvejimiit pisassapput, nioqqutissanik eqqussuinerit biilinillu ingerlanerit avannaatungaaniit pisassapput. Kommunimut pilersaarummut tapiliussami centerip allissutissaanut siunnersuutaasup kujammut kangimullu sinaani, inuit pisuinnaat aqcutissaanik isumannaatsumik kusanartumillu sanasoqarnissaa piumasaqaatigineqarpoq. Matumuuna illoqarfik pilerinartoq pilersinneqassaaq, kommunimullu pilersaarummut tapiliussap siunertaraa centerip allilernerqarnissaanut siunnersuummi suli allanik tamanillu orninneqarsinnaasunik centerip qaliani pilersitsisoqassasoq. Taamatullu Nuup illoqarfiani illoqarfiup iluani allatut pissusilimmik ilisaritsissaluni.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsivimmit pilersaarummi tapiliussaq tunngavigalugu inissiat illoqarfimmut qanittut pilerigineqartullu pilersinneqassasut nalilernerqarpoq. Peqatigitillugu illoqarfiup qeqqani atugassanik pisiniarfinnik sukisaarsaartarfinnillu peqalernissamut periarfissagissaaq. Siunnersuut illoqarfiup qeqqani angallannermut ajornartorsiuteqartumut aaqqiinertalimmik ilasivoq, inuillu pisuinnaat aqcutissaanik pitsaanerumsumik atugassaqartinneqalissallutik.

Ingerlatsivimmit kommunimut pilersaarummut tapiliussamut atatillugu illoqarfiup pitsaasumik ineriartortinneqarnissaa qulakkeerneqassasoq aamma Illuliortaatsikkut politikkimi akuerisat, portusuunik inissialiortitsinermi periusissiaq, Imaneq pillugu ilusilersuineri najoqqutassaq minnerunngitsumillu kommunimut pilersaarut Sermersooq2028.gl malinneqassasut nalilernerqarpoq.

Aningaasatigut sulisoqarnikkullu naliliinerit

Kommunimut pilersaarummut tapiliussap suliarineqarnera immi aningaasatigut kinguneqartitsinngilaq.

Inatsisitigut tunngavissaq allakkallu tunngaviummik uppersaatitalit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq.
- Inatsisartut inatsisissaat nr. 34 imm. 9. december 2015-imeersoq.
- Kommunimut pilersaarut digitaliusoq www.sermersooq2028.gl.

Ingerlariaqqinnissaq

Kommunimut pilersaarummut tapiliussap inaarutaasumik akuersissutigineqarnerata kingorna pilersaarummi malittarisassat taaneqartut malillugit sumiiffik ineriartortinneqassaaq.

Aningaasaqarnermut Allatseqarfimmit oqaaseqaatit

Pisiariaqanngilaq.

Innuttaasunik peqataatitsineq/attaveqaatigiinneq

Kommunimut pilersaarummut tapiliussaq siunnersuutitut sapaatip-akunnerini arfinilinni tamanut tusarniaassutigineqareerpoq.

Piffissami tusarniaaffiusumi tusarniaanermut akissutit marluk tiguneqarput, taakkulu oqaaseqatigiinnik annikitsunik allannguuteqartitsipput.

Kommunimut pilersaarummut tapiliusseq inaarutaasumik akuersissutigineqartoq tamanut saqqummiunneqassaaq kommunimut pilersaarummut nittartakkami uani www.sermersooq2028.gl

Ingerlatsivinnit allaniit oqaaseqaatigineqartut

Pisiariaqanngilaq.

Siusinnerusukkut aalajangiinerit:

Sanarfinermut Avatangiisinullu Ataatsimiititap aalajangenera 15. juuni 2020-meersoq:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangenera ulloq 25. juuni 2020-meersoq:

Inassuteqaat akuersissutigineqarpoq.

Kommunalbestyrelsip aalajangenera 02. juuli 2020-meersoq:

Inassuteqaat akuersissutigineqarpoq.

Sanarfinermut Avatangiisinullu Ataatsimiititap septembarip 09-ni 2020 aalajangiinera:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangenera ulloq 23. septembari 2020-meersoq:

Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermut akissutit
3. Kommunimut pilersaarummut tapiliusseq 1C12-5 Aqutsisoqarfik, Nuuk